

三昧弘道廣顯定意經卷第三

絲二

西晉三藏法師竺法護譯

信值法品第六

爾時阿耨達龍王心甚悅豫又及龍王五百  
太子宿發無上正真道意聞佛說是尋即皆  
得柔順法忍忻心無量各樂供養輒爲如來  
施飾寶蓋進上世尊同時白佛言聖師如來  
至真正覺爲吾等故出現生世何則然者今  
吾等聞普信道品得聞是已意而無倦不有  
懈退亦無驚恐聞已加重專心習行樂聽無

厭如是像法也又惟如來解說菩薩云何得  
值諸佛世尊如來告曰諸賢者等勤念受聽  
吾當廣說諸太子言惟思樂聞彼諸上士受  
世尊教如來告曰樹信賢者興值有佛何謂  
爲信信謂正士修諸明法奉之爲先何謂明  
法日依行應不離德本習求樂賢慕隨聖衆  
勤心樹信志無勞疲思僥聞法拔棄陰蓋順  
習於道得法利養以施周惠戒與不戒濟接  
等與在諸恚怒而常有悅勤樂普智心無懈  
退信佛不休未曾亂法悅心聖衆志道難動

喜樂正真而離貢高於衆自卑常有等心諸處無著終捨身命不造惡行修立質信言行相應等過於著心無垢穢身口意行順隨聖化明了諸事得爲清淨知足無貪所行應淨曉入智幻習求慧根依順七財修念誠信根力已備而行正見所受師友謙恪禮敬安足易養數詣法會心無退狀有患生死示無爲德勤心精進求昇普智以弘道化於如來法志樂出家修諸無數梵清淨行造立慈悲救彼衆生志在返復其有報恩及不報者等接

護之心無適莫不自念利常忧彼供忍調之行已悉備足自見無惡不背說人內情已寂志於閑居心常樂靜專念習法而無諍訟等已被過求備戒具集合定行勤謹於道斯謂賢者行應俗信樹信如是此謂興值佛世者也又賢者等其於世俗造信無忘是謂興信值佛世也又賢者等何謂俗信其有信者信二諸法空以離妄見信知諸法以爲無相而離念應信知諸法悉皆無願不有去來信知諸法無識無念靜身口意寂無有識信知諸法

以爲離欲無我人壽命信知諸法信知本無  
云來自然信知諸法眞際無跡如本無跡信  
知諸法已皆自然等若空跡信知諸法而依  
法性信知諸法等過三世信知諸法欲處邪  
見而皆悉盡信法無著以離本癡本無清淨  
信知諸法心常清淨亦不興起客欲之垢信  
知諸法無所觀見信諸法護等斷衆行信法  
無我以過喜怒信諸法無心無形像而不可  
獲信諸法僞如握空拳誘調小兒信法無欺  
不有上下無所捨置信諸法虛若芭蕉樹信

法自由如常寂靜信法無審不住三處信法  
永無不有所生信法若空以等無數信知諸  
法若如泥洹常自寂靜如是賢者其於世俗  
興起是信斯謂造信而值佛法又復賢者其  
有信值佛法名者此則名曰諸法都無起之  
謂也所以者何不色生故不色無生化轉之  
卷三  
習不痛想行識無識起不以眼耳鼻口身意  
無起習不身起轉不癡有無不生老死有  
無起轉習不身起轉不癡有無不生老死有  
無起故如值佛世不起有生亦不起滅又復  
無起習於無滅不以正意無志意習而值佛

世總要言之亦不以三十七道品法習無起  
習亦不以道無生之習不起慧亦不滅慧  
不慧無慧無二之習而值佛世當說信值佛  
世品時無熟龍王五百太子皆悉逮得柔順  
法忍於是世尊復說頌曰

興信值佛世 而習於不生 其無向信者  
斯不值佛世 修信謂最上 從致清淨法  
行質有報應 不違厥所修 信習諸賢聖  
勤修常禮敬 心不有懈退 此信之所行  
勤行聽說法 陰蓋不能動 從信得致道

行逮於柔順 以法所得財 轉惠普周濟

護戒與毀戒

行信而等施

能悅諸恚怒

道心不懈倦

勤求大乘法

有信悅向衆

永離大貢高 立信相如是

志信不惜身

終不造惡行

守善無妄語 言行常相應 悅信以過界

樂行於無心 身口意清淨 習隨聖所護

有信行內淨

常為慧所將

知身之要本

求問宣所聞

等念於七財

得力根以足

長離衆邪見

志常習等行

禮恪有悅心

敬事其如師 心肅善虔恭 知足無所遺  
其心常無念 所志惟道法 有眾生死者  
引示無爲德 脫之所當行 惟常求悅心  
速離於是世 修梵行無倦 懷受諸衆生  
救彼無利望 當報所受恩 悅信當勤求  
己利不以悅 亦不嫉彼供 仁忍而悉備  
無諂調質直 行信目所見 不背說人短  
根寂性安敏 志悅樂閑居 其心無憤鬧  
自勵備恩行 先順不有諍 內省尅已過  
勤求具戒行 專習於定道 悅信慕樂行

信者相如是 其過俗信者 彼行而解此  
與法不有諍 深妙佛所說 誠信信於空  
彼都無衆見 諸法無有相 不意離衆念  
當斷除諸願 覺了去來事 法永無著作  
不有於身心 信爲無欲法 離我人壽命  
信者解本無 得至不二處 其本無有積  
體無若虛空 諸法信亦然 便與法性同  
等過於三世 諸法無有漏 欲處及與貪  
樂信無受見 諸法不有著 其本明清淨  
客欲無能殺 不處心有住 諸法不可見

因緣而無起 常觀於高行 不受所住短  
無合不有離 脫者無合同 信悅於空法  
愚之所可惑 憶怕意無起 欺偽如芭蕉  
口言而自然 無去亦無有 諸法無所有  
所見皆不要 其法若虛空 等緣無有數  
諸法如泥洹 本無不可見 五陰亦如是  
諸法無所有 信悅而行此 五陰亦如是  
解了身虛空 其有如是信 從法而有佛  
彼則值奉佛 所處無有惡 是以知無處  
無色不有處 不以造色行 與佛而博演  
得應值佛世 不來亦不去 諸種亦如是  
於色無有生 當來無所至 如佛而等興  
不滅亦無住 慨信斯大眾 其限不可得

值佛廣演說 五陰亦如是 化習轉無生  
值佛當散說 慧達諸菩薩 其身及諸情  
亦習以無生 佛興以無生 常教諸墮生  
癡本無有生 生死亦如斯 是緣如本無  
從法而有佛 無起不有生 不滅無有住  
是以知無處 處亦不可見 斯亦不自生  
無志不有住 其行如是者 是亦佛所轉  
無色不有處 佛種順如法 斯類亦起無  
不以造色行 其行如是者 佛興爲若此  
得應值佛世 如佛而等興 慨信斯大眾  
於色無有生 其限不可得

轉法輪品第七

爾時世尊告太子等又諸賢者何謂善薩得轉法輪其有布露如是像法樂說句義受持不忘修而行之諸有不發大悲意者爲興普智隨順衆願而爲說之廣宣布示志不有倦怠棄利養勸念順時又持護行斯謂菩薩應轉法輪又若如來所轉法輪而其法輪行像入德當粗剖說不起法亦不滅法不以凡夫下劣行法亦復不以賢聖法故而轉法輪又其法輪不中斷絕等斷善惡彼以是故爲

無斷輪又其法輪因緣之起不起無起而有其轉以斯之故爲無起輪又其法輪不以眼色耳聲鼻香舌味身更心法諸情轉隨有轉以此之故彼無二輪若有二者則非法輪又其法輪亦不過去當來現在所著而轉是無著輪又其法輪不我見轉非人命壽所住而轉是爲空輪又其法輪不識行相滅念之轉是無相輪又其法輪不於欲界形無形界所望而轉是無願輪又其法輪不計衆生有異而轉不處二法是凡人法是聖戒法是聲聞

法是緣覺法是菩薩法是爲佛法彼以是故爲無異輪又其法輪不以有住法輪而轉以斯之故爲無住轉法輪名乎諸賢者等真諦正輪常無毀故要義之輪等三世故無處之輪諸習見處以等過故寂寢靜輪身心無著不可見輪意識離故無隙之輪五道不處故審諦之輪無諦現故行信之輪等化衆生用無欺故不可盡輪字無字故法性之輪以其諸法依法性故本積諦輪本無積故本無之輪如本無故無所造輪無念漏故無數之輪

導至聖故如空之輪明見內故無相之輪無外念故無願之輪無内外故不可得輪修過度故又諸賢者其如來者以此法輪轉之眾生諸意行也其轉不轉彼不可得法無所捨於時世尊說是轉法輪品之時天龍鬼人及諸種神欣心踊躍顯光讚揚如來斯法皆同聲曰善哉世尊甚爲難值如來示說轉此法輪聞者奉行則應法輪是法名轉空虛之輪諸已過佛及與當來并諸現在悉由是法其有信者斯則已度諸行此法吾等世尊代其卷三

勸助彼諸衆生其興是心常欲聞斯法輪品者聞當發求是道要行彼亦不久得轉法輪於是衆中聞是說者有萬天子皆發無上正真道意五千菩薩逮得法忍於是世尊告諸賢曰又正士等其護正法受持正法營護正法是謂護法所以者何於永無滅應是行者天及世人終不能當於時無憂前白佛言又惟世尊若斯正士以如是法而得最覺於其本無不有惑者又如是像諸正士等當共擁護所以護者令諸正士使其速應於此大乘

彼皆行已得轉法輪又能興識法之大明是故世尊以斯等教要法正護使發大乘以護法師安救敬禮順聽禁戒是時世尊讚歎無憂龍王子曰善哉善哉無憂正士諸發大乘爲法師故安救擁護是謂護法爲諸法師營護正法護持正法又復無憂護正法者得十功德何謂爲十無其自大降下貢高又行恭敬亦無諂行勤思樂法志慕習法專意隨法行觀於法樂宣說法樂修行法隨所至乘順而說之是爲十行以護正法又復無憂有十

事行得護正法何謂爲十若族姓子及於族姓女所聞法師遙禮其處思樂得奉來輒敬愛供給所欲未被飲食護以諸事往詣謙敬順聽卷三所說以宣同學障其說非常樂稱歎使譽流布是爲十事得護正法又復無憂有四施行得護正法何謂爲四筆墨素施給與法師衣被飯食牀卧醫藥供養衆所若從法師聞所說法以無諂心而讚善之所聞受持廣爲人說是爲四施得持正法又復無憂有四精進得持正法何謂爲四求法精進勤廣說

法敬禮法師若毀法人正法降之亦以精進是四精進得持正法時阿耨達五百太子聞佛說是悅懌忻喜歡樂無量同聲言曰如來所說甚善無比解諸狐疑各以宮室及其官屬盡以上佛奉給所應以敬順心而重言曰從今世尊當勤受化永常無倦至於如來無爲之後佛之所說是像寶法當共敬受是經要品求索通達勸進修行斯則世尊吾等至願又若如來無爲之後吾等聖尊在所國邑當共同心供養舍利護奉禮敬至於現滅也

於是賢者耆年迦葉謂諸太子又賢目等如仁輩言獨欲全完供養如來神身舍利汝等是言多斷衆生諸德之本障蔽明淨翳道至化使興是言何則然者又若如來本始造願使留舍利布如芥子爲諸衆生降大悲故何得全完而獨供養耶彼正士等即答賢者大迦葉曰唯然迦葉勿以聲聞所有智限而限

於宮殿普令全完安置舍利使各念言吾獨供養如來舍利其餘者不復迦葉若如世尊無爲之後隨衆生心應置舍利又復迦葉若如來德至於阿迦臘吒天上立置舍利其如芥子能普明照一天地內是佛世尊神威變化感動力也

### 決諸疑難品第八

爾時賢者須菩提曰諸族姓子又如來者爲如來深邃無極明達之慧所以者何若如來者有普智心一切之見處以神足感動變化若其興念能使三千大千世界天龍鬼神各

本無無生而生須菩提曰如如本無無生不生彼都無生也答曰是者須菩提則佛所生如其本無而不有生須菩提曰佛生如是滅復云何答曰亦復如是如本無生於無生無爲滅度亦爾本無惟須菩提不起而生滅度亦爾如是其滅亦爾本無也說是語時無熟淵池現大蓮華若如車輪各有無量種種之色以名衆寶而用光飾於諸華間有大蓮華色最暉明現竒異好特獨踊高賢者阿難在於無熟大池之中覩其變化所見若斯尋啓

世尊今此變化爲何瑞應與其感動乃如此耶如來告曰且忍阿難自當見之說適未久忽從下方乃於寶英如來佛土寶飾世界六萬菩薩與轉首俱忽然踊出還能仁界升於無熟大池之中各現妙大蓮華座上轉首童子即就蓮華高廣顯座是時衆會皆悉見之愕然而驚時阿耨達及諸菩薩釋梵持世來會諸衆悉各又手稽首敬禮轉首童子退住虛空共持珠寶交露之蓋時轉首與諸菩薩俱并蓮華座亦踊虛空去地乃遠於上而雨

未曾所見最妙蓮華供養如來從諸華中有聲出曰寶英如來問訊世尊起居無量體祚康強神力安和平聲復言曰輞首童子與諸菩薩六萬人俱往詣忍土至於無熱龍王淵池觀彼感變又志樂聽龍王所問莊飾道品入法要說爲其世尊廣勸法言使其歡悅於是輞首及諸菩薩從虛空下悉詣正覺稽首如來欣心肅敬住世尊前爾時天師告輞首曰童子來乎爲何至故與諸菩薩俱至此耶輞首白佛吾等世尊在彼寶英如來佛土寶

飾世界承聞至真能仁如來垂慈十方演說斯要聞是法故尋從彼土昇遊詣此奉禮天師緣聞如來所講法也迦葉白佛近如世尊寶英佛土寶飾世界而諸大士忽至此耶輞首答曰惟如迦葉坐一定時極其神足飛行之力盡其壽命於中滅度而猶不能達到彼土其國境界彌遠乃爾佛告迦葉其土去此過於六十恒沙佛刹乃至寶英如來佛土曰其來久如而到此乎答曰久如者年漏盡意得解也大迦葉曰甚未曾有唯然輞首是諸

正士神足若斯。軟首又曰耆年漏盡意解久如耶。答曰如其轉意之頃。又曰耆年意已解乎。答曰已解。軟首復曰其誰縛心如有解乎。答曰軟首以心結解非脫有解致慧見也。曰惟迦葉真無縛心以何解乎。迦葉答曰知心無縛斯則爲解。曰惟迦葉以何等心云何知心過去知耶。當來現在乎。過去者滅盡。當來未至現在無住以何等心而知其心曰心已滅者。是軟首曰即無身心之計數也。曰賢者心知其滅耶。曰心滅者不可得知曰其得致

都滅之心者彼永無有身識之得。曰大辯哉。軟首童子吾等微劣豈能應答上辯之辭。軟首曰云何迦葉響寧有辯耶。曰無童子因緣起耳。曰不云乎。惟大迦葉一切音聲若如響耶。曰爾軟首又曰響辯可致不乎。曰不可致。又曰如是。惟大迦葉菩薩挾懷權辯之才不可思議亦無其斷。若耆年問從劫至劫菩薩機辯難可究盡也。爾時迦葉而白佛言。惟願世尊加勸軟首爲此大衆弘講說法。今諸會衆長夜致安普使一切得明法要於是衆

中有大菩薩其名智積問軟首曰何故童子長老迦葉年耆極舊所言怯弱微劣乃爾爲以何故名之者年軟首答曰是聲聞耳故不累辯智積復曰斯不知發大乘志耶曰永不第十三惟以聲聞來之脫也曰又軟首何故名爲聲聞之乘軟首答曰是族姓子世尊能仁隨諸衆生興三乘教敷以說法有聲聞乘緣一覺乘及大乘行所以然者由此衆生意多懷貪食志劣弱故說三行耳智積又曰云何軟首如空無相願都無其限何故限之有三乘乎

曰族姓子是諸如來執權之行空無相願不有其限爲諸著限而有諸限終不限於無限行也曰又軟首吾等可退使永莫與劣志衆生得有會也軟首答曰諸族姓子且忍當從無熟龍王聞其智辯及無量法者年迦葉謂智積曰云何正士如彼寶英如來佛土云何說法智積答曰惟一法味從其一法演出無量法義之音但論菩薩不退轉法諸佛奧藏要行之論從已取脫不由衆雜依於普智永無餘脫恒講菩薩清純之談其土都無怯弱

之行也時阿耨達問輒首曰仁尊輒首來奉  
如來爲何等像觀於如來以色觀耶痛想行  
識觀如來乎答曰不也以約言之色苦觀耶  
痛想行識苦觀之乎滅色痛想行識觀耶爲  
以空無相無願行觀如來乎答曰不也又問  
卷三  
云何去來現在相好肉眼天眼慧眼觀如來  
乎答曰不也云何輒首以何等相觀如來耶  
答曰龍王觀於如來當如如來又曰輒首如  
來云何乎曰如來者無等之等等不可見用  
無雙故妙矣龍王如來極尊無偶無雙無比

無喻無壽無等無匹無倫亦無色相爲其無  
像無形無影無名無字無說無受也如是龍  
王如來若此當作是觀觀於如來亦不肉眼  
天眼慧眼而觀如來所以者何其肉眼者以  
見明故如如來者無冥無明故不可以肉眼  
而觀又天眼者有作之相若如來者等過無  
住故不可以天眼而觀又其慧眼知本無相  
又如來者衆都永無故不可以慧眼而觀云  
何輒首觀其如來得爲清淨曰若龍王其知  
眼識心不有起又知色識心無起滅其作是

觀觀於如來為應清淨爾時其從寶英如來  
寶飾佛土菩薩來者得未曾有而皆歎曰甚  
快妙哉斯諸衆生善值如來逮聞如是龍王  
所問決狐疑品聞已悅信不恐不怖又無驚  
怪加復受持諷誦宣布如是正士應在慧署  
吾等世尊不空至此值聞是要無極像法又  
若世尊斯法所至聚落國邑當知其處如來  
常在終不滅度正法無毀道化興隆何則然  
者以此法品能降魔場伏諸外道也時阿耨  
達謂軟首曰善修行者軟首童子斯之菩薩

逮聞是法得佛不難進已勸人勤道無倦也  
何謂菩薩應修善行軟首答曰若是龍王如  
食行空施行亦空等解於此是謂善行以約  
言之不戒與戒懷恚及忍懈退精進亂意一  
心如其愚空智慧亦空於是等行斯謂善行  
又復龍王如其姪欲恚怒愚癡爲之空者無  
其姪欲恚癡亦空如參行空無雜亦空於其  
等行是謂善行又復龍王如其八萬四千行  
空賢聖正脫亦悉爲空於斯等行是謂善行  
又復龍王若有明賢修菩薩行無行無不行

亦不見行不有惑行亦無念行又不知於是等行是謂善行無熟龍王謂輞首曰云何童子菩薩行於無所行乎答曰龍王若初發意

行菩薩道至得佛坐所行功德悉由初行不

生之行無受處行無護捨行無隙之行又無

著行亦無諦行無有限行亦無惑行又無姪

行無所作行亦無持行無審之行亦無底行

是謂菩薩無行之行若菩薩以不生之行無行不行得三十七品無所造作以慧而脫永脫於脫不過二際明了本際而不取證菩薩

作是此謂菩薩得不起忍如斯之行此謂善行說是語時三萬四千天龍鬼神菩薩行者逮無從生法樂之忍

三昧弘道廣顯定意經卷第三

卷三

十五